

卷十五

遠廬集上篇

遠廬集中篇

太極經 兩儀經 四象經
八卦經 吉凶經 大業經
還元經 內經 外經 本經
標經 正經 變經 醫經 藥經

卷十六

遠廬集下篇

治痘辨難

卷十七

遊戲篇

氣血強弱論 氣血配合論 內外
起發論 燥論二條 根
飲食論 鐵穀生倉論 頭面四肢論
根基論 乾枯潤澤論 紫量論 舌胎
條啞論 嬌紅論 火論 兩額論 遲見論
聲啞論 二條 毒論 稜角第一氣論 稀
密究竟論 出辨 危症辨 天庭辨 小兒辨
隱疹難出辨 浮器辨 毒參陽位辨 淡紅
久亮辨 紫色辨 發光辨 醫辨 藥辨
飲水辨 下辨 汗辨 蝦蟇雲霓辨
補瀉辨 入條

摘星樓治痘全書

卷十五 卷十六 卷十七



治痘蘧廬集序

予與莫逆友結青山社究心性命之學恍然若有得
於神機也神之爲神先天地而存後天地而不壞無
相相生相還無相無色色生色還無色凡天地間之
升者沉者顯者晦者盤固者夭折者揔揔皆神之所
爲至欲窮而索之曰神爲何物則又窅然喪吾神矣
因攝神歸已讀靈樞鍼經揭神爲真諦益知人身血
脈毛髮變動呼吸罔非神機卽瞿曇真人家鍊形超
世施藥石以起疳羸亦以神用耳予向慨痘毒係人

鬼關豈其此中獨無神與偶窺其中杳杳冥冥元樞
具存隨手拈來頭頭輒應此固得神力也而欲傳書
以傳神神果可傳乎哉神不可傳此書亦傳神之蘊
廬耳古宣州紫陽氏應我山人譔

摘星樓治痘全書卷之十五

蘧廬上篇

涇川明朱一麟應我甫著

族裔孫法遵先甫訂補

男榮學圃甫參校

太極經

痘賴氣血。元神結胎。神旺亦旺。神衰亦衰。來不可禦。
去不可追。如花活相。似月光輝。阿階中得。語言莫推。
生死分路。一線天機。強名太極。元牝之墟。

兩儀經

氣陽血陰。尊卑定矣。一尊一卑。根頂相依。不依而依。

莫混莫離。混則難分。離則難隨。混離一見。氣血萎摧。
形色乖張。變壞奚疑。

四象經

氣血一動。形色既成。氣來形充。血至色潤。或衝而溢。
或萎而沉。太過不及。四象互生。氣血兩種。太少各名。
八卦經

八卦在人。詎止面部。易書列象。自手至足。不外五行。
金木火土。腎水一點。制火之毒。金清聲嚮。土強食飫。
君火若靜。真血不縮。肝木安位。洞洩奚促。

吉凶經

五行一定。次第生成。天一生水。如珠潔瑩。地二生火。紅光蘊崇。天三生木。漸見滋榮。地四生金。收成茲功。天五生土。痾疔隆隆。反此則乖。氣候錯綜。氣候失令。災沴爲凶。

大業經

吉凶既定。人力幹旋。寒熱溫涼。抑揚滯宣。發散涌泄。辛甘苦酸。淡能滲竅。鹹可軟堅。用之得宜。若解倒懸。草木金石。蛇蝎曷嫌。巧奪天功。意握神權。存乎心妙。

非容紙箋



南京中医药大学图书馆版权所有

遽廬中篇

初萌經

初報唇頰。圓聳爲最。不紅不白。水光旋匯。疎散陸續。
長大時催。一齊湧出。更覘顏色。紅紫氣掀。乾枯勢煨。
第一惡症。肌肉隱堆。開門啓鑰。由內達外。七竅二陰。
通塞宜推。休執卦位。妄詳寒熱。

發生經

見點吉凶。根苗已定。放光發白。時時漸盛。充滿囊窠。
紅活脚正。惟喜突聳。塌陷遲鈍。標帶紅紫。清涼可進。

淡淡萎萎。溫補宜趲。轉移造化。手段經綸。兼察內外。虛實細認。

成實經

氣尊血卑。頂白根紅。竄立囊厚。色潤勢充。由唇上額。自頸下胸。不膿不淡。漿見脂松。螺靨鷄矢。諸品收功。如血混氣。紅白不分。皮薄色嫩。痒塌來攻。乾枯灰白。紫陷血昏。八九日期。虛殼命終。果得漿足。延日何凶。諸惡症來。危急可生。見莫股栗。聞莫心沖。如漿退縮。薄靨空空。惟憑飲食。造命良工。

還元經

前此三時。春夏秋兮。至此隆冬。完固堅閉。處處乾紅。將來脫蒂。焦黑破裂。禍福相居。更看蒂色。紫白何宜。不突不阱。安枕流憩。枯白無神。對週應逝。黑暗光少。痰壅倏至。

內經

內包五臟。外各有司。榮枯強弱。不相背馳。咽喉壅塞。氣道委遲。中州火烈。升降失時。腰腎絞急。毒陷當提。外非萎折。平濶差池。內攻外剝。消息可知。

外經

形見外體。頭面居顛。四肢爲末。胸背次觀。顛起未伏。時候未然。胸窩背心多怖。少歡。七二孔竅。千萬毛端。火焰出入。啓閉兩般。當清門戶。賴此周全。

本經

火毒無形。尋竅而出。噴水散珠。似豆之粒。豆粒圓滿。不凹不凸。火毒纏綿。丹瘤漸漬。茱萸氣虧。箬笠血溢。浮萍無根。麻子堆積。治痘成豆。惟求克類。

標經

痘爲本病。餘病皆標。標病不清。摶痘根苗。火食元神。水液時消。孰滋長養。枯涸無膏。風成驚搐。燥作狂噪。寒生澁栗。濕或泄瀉。暑氣蒸溽。悶悶昏耗。穢濁觸犯。飲食雜漕。諸症夾毒。氣索血銷。痘終萎斃。嬰童竟夭。急則治標。古醫口號。

正經

十二日期。四時各職。生長收藏。造化莫識。先發過時。後期可逼。人工贊助。惟遲毋速。

變經

病緣變生。命由醫造。發散太過。元陽亡燥。泄下已甚。精血枯稿。一變衰萎。再變黑焦。輕還變重。重將安葆。重還變輕。發泄宜早。飲食中節。禁忌不蹈。

醫經

醫者會意。視惟眸子。形勢色澤。精神膚脂。庖丁解牛。識此妙理。認定一着。何須次第。當行則行。當止則止。虛實轉環。汗下差異。首尾莫泥。內外消息。方書芻狗。品味桎梏。陽極陰藏。陰極陽伏。正治從治。陰陽勿執。日期界限。前人有識。悟得神髓。不徐不疾。

藥經

看憑辟子。投機惟藥。不得異藥。茫無下落。毒亦攻。
熱還導熱。用之失當。參苓作孽。用之得宜。丁附有說。
庸醫妄執。後補先洩。予今指示。與方書別。方書可遵。
先開門。臬。升提爲最。毒出焰滅。嗣是以後。隨溫隨泄。
六日閉關。予心未決。後陰日出。原是常業。

摘星樓治痘全書卷之十五

朱承曾重校



摘星樓治痘全書卷之十六

遠廬下篇

治痘辨難

或問痘爲何毒。曰。火毒也。夫火之爲害大矣。遇金則鎔。遇水則涸。遇木則焚。遇土則裂。凡其皮毛髮膚。一遭酷焰。无不歸之煨燼。故五內百骸。總總受害。至發爲重症。則音啞。腰痛。牽搐。消渴。等候。多有不可救者。所以治痘的。以清火爲主。然清火必在六日前爲其勢之未熾也。不然。直待燎原。不可撲滅矣。或問火有幾種。曰。蘊蓄之火。其根深。透露之火。其根

淺。若浮遊之火。一發便散。則無根矣。如五內焦灼。告
飲狂叫。陰竅不通。咽痛無奈。此蘊蓄之火也。如皮焦
毛枯。遍身浮紅。眼腫若桃。臉赤若丹。此透發之火也。
至于微渴微煩。斑點希少。神情不爽。此浮遊之火也。
治之奈何。蘊蓄者。則達之。或提之。使從毛竅中出。或
洩之。使從陰竅中出。透發者。則散之。或開豁其肌肉。
或疎利其皮毛。浮遊者。如天地絪縕之氣。如山川紛
擾之靄。乍起乍滅。卽不治之。當自散矣。

或問內外症孰重。曰。五內猶國中也。肢骸猶邊鄙也。